



Broj/Број: **02 –50 –1-67-25 /'04**
Sarajevo/Сарајево: **29.6.2004.**

**ZAPISNIK
25. sjednice Doma naroda
Parlamentarne skupštine Bosne i Hercegovine,
održane 29. juna 2004.**

Sjednica je počela u 11,15 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Na sjednici je bilo 15 delegata.

Osim delegata, na sjednici Doma naroda bili su: predstavnici Vijeća ministara, predstavnici međunarodnih organizacija i predstavnici sredstava javnoga informiranja.

Za 25. sjednicu Doma naroda usvojen je sljedeći

D N E V N I R E D

1. Odgovori na delegatska pitanja i delegatska pitanja,
2. Zapisnik 24. sjednice Doma naroda,
3. Imenovanje članova Komisije za koncesije Bosne i Hercegovine,
4. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Pravobranilaštvu Bosne i Hercegovine,
5. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o polaganju pravosudnog ispita u Bosni i Hercegovini,
6. Zahtjev Vijeća ministara za razmatranje Prijedloga zakona o računovodstvu i reviziji Bosne i Hercegovine po hitnom postupku, u skladu s članom 100. Poslovnika Doma naroda,
7. Zahtjev Vijeća ministara za razmatranje Prijedloga zakona o izmjenama Zakona o privremenom odgađanju od izvršenja potraživanja na osnovu izvršnih odluka na teret Budžeta institucija Bosne i Hercegovine po hitnom postupku, u skladu s članom 100. Poslovnika Doma naroda,
8. Zahtjev Vijeća ministara za razmatranje Prijedloga zakona o dopunama Zakona o carinskoj tarifi Bosne i Hercegovine po hitnom postupku, u skladu s članom 100. Poslovnika Doma naroda (broj: 01,02-2-7-3/'04. od 18.5.2004.)
9. Zahtjev Vijeća ministara za razmatranje Prijedloga zakona o dopunama Zakona o carinskoj tarifi Bosne i Hercegovine po hitnom postupku, u skladu s članom 100. Poslovnika Doma naroda (broj: 01,02-2-7/'04. od 9.6.2004.)
10. Zahtjev Vijeća ministara za razmatranje Prijedloga zakona o dopunama Zakona o Sudu Bosne i Hercegovine po hitnom postupku, u skladu s članom 100. Poslovnika Doma naroda,
11. Zahtjev Vijeća ministara za razmatranje Prijedloga zakona o dopunama Zakona o Tužilaštvu Bosne i Hercegovine po hitnom postupku, u skladu s članom 100. Poslovnika Doma naroda,
12. Zahtjev Vijeća ministara za razmatranje Prijedloga okvirnog zakona o registraciji poslovnih subjekata u Bosni i Hercegovini u skladu s članom 99. Poslovnika Doma naroda,
13. Zahtjev Vijeća ministara za razmatranje Prijedloga zakona o javnim nabavkama u BiH, u skladu s članom 99. Poslovnika Doma naroda,

14. Zahtjev Vijeća ministara za razmatranje Prijedloga zakona o izmjenama i dopunama Zakona o administrativnim taksama Bosne i Hercegovine, u skladu s članom 99. Poslovnika Doma naroda,
15. Zahtjev Vijeća ministara za razmatranje Prijedloga zakona o Agenciji za unapređenje stranih investicija u Bosni i Hercegovini, u skladu s članom 99. Poslovnika Doma naroda,
16. Zahtjev Vijeća ministara za razmatranje Prijedloga zakona o Javnom radiotelevizijskom sistemu Bosne i Hercegovine, u skladu s članom 99. Poslovnika Doma naroda,
17. Zahtjev Vijeća ministara za razmatranje Prijedloga zakona o Javnom radiotelevizijskom servisu Bosne i Hercegovine, u skladu s članom 99. Poslovnika Doma naroda,
18. Zahtjev Vijeća ministara za razmatranje Prijedloga zakona o flaširanim pitkim vodama Bosne i Hercegovine po hitnom postupku, u skladu s članom 99. Poslovnika Doma naroda,
19. Zahtjev za razmatranje Zakona o izmjenama i dopunama Zakona o državnoj službi u institucijama Bosne i Hercegovine po hitnom postupku, u skladu s članom 99. Poslovnika Doma naroda – predlagač Predstavnički dom,
20. Zahtjev za razmatranje Zakona o izmjenama i dopunama Zakona o upotrebi i zaštiti naziva Bosne i Hercegovine po hitnom postupku, u skladu s članom 99. Poslovnika Doma naroda – predlagač Predstavnički dom,
21. Prijedlog zakona o izmjeni Zakona o ombudsmenu za ljudska prava Bosne i Hercegovine, predlagač Predsjedništvo Bosne i Hercegovine – prvo čitanje ,
22. Prijedlog zakona o postupku medijacije – prvo čitanje,
23. Prijedlog zakona o osnivanju Instituta za mjeriteljstvo/metrologiju – prvo čitanje,
24. Prijedlog zakona o osnivanju Instituta za standardizaciju Bosne i Hercegovine – prvo čitanje,
25. Prijedlog zakona o osnivanju Instituta za intelektualno vlasništvo – prvo čitanje,
26. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Sjedinjenih Američkih Država o zaštiti i očuvanju određene kulturne svojine,
27. Davanje saglasnosti za ratifikaciju Sporazuma između Bosne i Hercegovine i Vlade Republike Francuske o recipročnom unapređenju i zaštiti investicija,
28. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Albanije o ukidanju viza za nosioce diplomatskih i službenih pasoša,
29. Davanje saglasnosti za ratifikaciju Ugovora o slobodnoj trgovini između Bosne i Hercegovine i Rumunije,
30. Davanje saglasnosti za ratifikaciju Konvencije o zaštiti osoba s obzirom na automatsku obradu ličnih podataka i izmjene i dopune Konvencije o zaštiti pojedinaca s obzirom na automatsku obradu ličnih podataka,
31. Davanje saglasnosti za ratifikaciju Dodatnog protokola uz Konvenciju za zaštitu pojedinaca s obzirom na automatsku obradu ličnih podataka u vezi s nadzornim organima i prekograničnim protokom podataka ,
32. Davanje saglasnosti za ratifikaciju Sporazuma koji se odnosi na pripremu i obavljanje usluga zračnog saobraćaja i korištenja uređaja od strane Eurocontrola u kontrolnom centru za kontrolu zračnog saobraćaja Centralne Evrope u gornjem zračnom prostoru,
33. Izvještaj o rezultatima rada Istražne komisije Doma naroda osnovane radi utvrđivanja okolnosti hapšenja Ante Jelavića, Miroslava Prce i Miroslava Rupčića,
34. Informacija o stanju vanjske zaduženosti Bosne i Hercegovine na dan 31.12.2003. i
35. Izbalansiranost kadrova u institucijama Bosne i Hercegovine.

Ad 1. Odgovori na delegatska pitanja i delegatska pitanja

Odgovore na delegatska pitanja dobili su: Hasan Čengić, Tomislav Limov, Ilija Filipović, Osman Brka, Anto Spajić i Velimir Jukić.

Delegat Tomislav Limov nije zadovoljan odgovorom budući da je odgovor zakasnio i da je nepotpun.

Delegat Ilija Filipović nije zadovoljan odgovorom i traži od Kolegija Doma naroda da zajedno s Kolegijem Predstavničkog doma uđu u suštinu rada Sekretarijata Parlamentarne skupštine BiH i da do godišnjih odmora ponude kadrovska rješenja za sekretare domova i sekretara Zajedničke službe.

Delegat Osman Brka nije zadovoljan odgovorom jer Vijeće ministara nije planiralo izradu zakona o lustraciji.

Delegat Anto Spajić nije zadovoljan odgovorom jer mu je i prije dat isti odgovor kojim nije bio zadovoljan.

Sljedeći delegati postavili su pitanja:

Delegat Vinko Radovanović Ministarstvu odbrane BiH:

"Na 24. sjednici Doma naroda Klub delegata iz reda srpskog naroda dao je uslovnu saglasnost za imenovanje generala Sakiba Forića. Imamo saznanje da je podnesena prijava inspektoratu SFOR-a na ovog generala. Interesira nas imate li informaciju šta se učinilo po toj prijavi?"

Delegat Vinko Radovanović Vijeću ministara BiH

"Na 4. zajedničkoj sjednici Predstavničkog doma i Doma naroda usvojen je zaključak: " Ustanoviti, dati podršku i sarađivati s Komisijom za ispitivanje istine o stradanjima Srba, Hrvata, Bošnjaka, Jevreja i ostalih u Sarajevu u periodu 1992.-1995." Interesira me u kojoj je fazi realiziranje ovog zaključka?"

Delegat Halid Genjac predsjedavajućem Vijeća ministara BiH

1. "Da li je tačno da je u Ministarstvu pravde zaposlena Milena Popadić i u kojem svojstvu?
2. Radi li se o osobi koja je ranije bila tužilac u srpskom Sarajevu a nalazi se na spisku mreže pomagača optuženog za ratne zločine Radovana Karadžića?"

Delegat Tomislav Limov Predsjedništvu BiH i Vijeću ministara BiH

"Zašto do danas nije realiziran zaključak Doma naroda Parlamentarne skupštine Bosne i Hercegovine, utvrđen na 12. sjednici, održanoj 30. septembra 2003., a kojim se od Vijeća ministara i Predsjedništva BiH traži da u prvom kvartalu 2004. u tekst dokumenta « SIGURNOSNA POLITIKA BOSNE I HERCEGOVINE » ugrade reformska rješenja iz oblasti sigurnosne politike i tako dopunjen dokument dostave Domu naroda Parlamentarne skupštine Bosne i Hercegovine na usvajanje?"

Delegat Boško Šiljegović Agenciji za rad i zapošljavanje BiH

"Izvršen je prijem u Agenciji po konkursu od 15.4.2004. Koliko je primljeno osoba i da li je ispoštovana nacionalna struktura?"

Ad 2. Zapisnik 24. sjednice Doma naroda

Zapisnik 24. sjednice Doma naroda usvojen je jednoglasno.

Ad 3. Imenovanje članova Komisije za koncesije Bosne i Hercegovine

U raspravi je učestvovao Halid Genjac.

Dom naroda je u Komisiju za koncesije Bosne i Hercegovine imenovao:

- Milomira Amovića
- Đoku Slijepčevića
- Hamedu Mešanovića
- Nikolu Antunovića
- Ivu Andrića i
- Mustafu Ramića

Kandidat Muhamed Karamehmedović nije imenovan za člana Komisije za koncesije BiH.

Ad 4. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Pravobranilaštvu Bosne i Hercegovine

Nakon rasprave u kojoj su učestvovali: Ilija Filipović, Hilmo Neimarlija, Mustafa Pamuk, Hasan Čengić i Jadranko Tomić, Dom naroda odbacio je Izvještaj o nastojanju za postizanje sporazuma o identičnom tekstu Zakona o izmjenama i dopunama Zakona o Pravobranilaštvu BiH, s tim da se Predstavnički dom upozna o okolnostima radi kojih je Izvještaj odbačen. Okolnost radi koje je odbačen Izvještaj je ta što su članovi Zajedničke komisije Predstavničkog doma, na sjednici održanoj 21.4.2004., a bez članova Zajedničke komisije Doma naroda, utvrdili da nema saglasnosti.

Ad 5. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o polaganju pravosudnog ispita u Bosni i Hercegovini

U raspravi nije niko učestvovao.

Dom naroda je, većinom glasova, usvojio Izvještaj Zajedničke komisije o postizanju sporazuma o identičnom tekstu Zakona o polaganju pravosudnog ispita u BiH.

Ad 6. Zahtjev Vijeća ministara za razmatranje Prijedloga zakona o računovodstvu i reviziji Bosne i Hercegovine po hitnom postupku, u skladu s članom 100. Poslovnika Doma naroda

Nakon rasprave u kojoj su učestvovali: Boško Šiljegović i Anto Spajić, Dom naroda je jednoglasno, u skladu s članom 100. Poslovnika Doma naroda, usvojio Zakona o računovodstvu i reviziji Bosne i Hercegovine.

Ad 7. Zahtjev Vijeća ministara za razmatranje Prijedloga zakona o izmjenama Zakona o privremenom odgađanju od izvršenja potraživanja na osnovu izvršnih odluka na teret Budžeta institucija Bosne i Hercegovine po hitnom postupku, u skladu s članom 100. Poslovnika Doma naroda

Nakon rasprave u kojoj su učestvovali: Zoran Spasojević, Tomislav Limov i Jusuf Kumalić, zamjenik ministra finansija, Dom naroda je, na prijedlog delegata, većinom glasova usvojio Zaključak da se Prijedlog zakona o izmjenama Zakona o privremenom odgađanju od izvršenja potraživanja na osnovu izvršnih odluka na teret Budžeta institucija Bosne i Hercegovine, umjesto po članu 100. Poslovnika Doma naroda razmatra u skladu s članom 99. Poslovnika Doma naroda.

Ad 8. Zahtjev Vijeća ministara za razmatranje Prijedloga zakona o dopunama Zakona o carinskoj tarifi Bosne i Hercegovine po hitnom postupku, u skladu s članom 100. Poslovnika Doma naroda (broj: 01,02-2-7-3/'04. od 18.5.2004.)

Nakon rasprave u kojoj su učestvovali: Nade Radović, Dragan Doko, ministar vanjske trgovine i ekonomskih odnosa, Tomislav Limov, Hasan Čengić, Velimir Jukić, Zoran Spasojević, Hilmo Neimarlija i Mustafa Pamuk, Dom naroda je, većinom glasova, usvojio Zakon o dopunama Zakona o carinskoj tarifi Bosne i Hercegovine (broj: 01,02-2-7-3/'04. od 18.5.2004.)

Ad 9. Zahtjev Vijeća ministara za razmatranje Prijedloga zakona o dopunama Zakona o carinskoj tarifi Bosne i Hercegovine po hitnom postupku, u skladu s članom 100. Poslovnika Doma naroda (broj: 01,02-2-7/'04. od 9.6.2004.)

Nakon rasprave u kojoj su učestvovali: Hasan Čengić, Dragan Doko, ministar vanjske trgovine i ekonomskih odnosa, Nade Radović, Tomislav Limov, Mustafa Pamuk, Zoran Spasojević, Osman Brka i Boško Šiljegović, Dom naroda je, većinom glasova, usvojio Zakon o dopunama Zakona o carinskoj tarifi Bosne i Hercegovine (broj: 01,02-2-7/'04. od 9.6.2004.)

Nakon usvajanja Zakona, Dom naroda usvojio je sljedeće zaključke:

1. Traži se od Vijeća ministara da realizira zaključke Doma, donesene 26.4.2004., a naročito da u predviđenom roku donese strategiju poljoprivrednog razvoja Bosne i Hercegovine, s mjerama podsticaja domaće proizvodnje.
2. Utvrditi tačan spisak domaćih proizvođača mašinski iskorištenog mesa peradi i količina koje oni mogu osigurati za mesoprerađu s presjekom postojećeg stanja, prije početka primjene ovog zakona,

utvrditi tačne potrebe mesoprerađivača s taksativno navedenim domaćim proizvodnim pogonima koji će ostvariti pravo na uvoz, utvrditi metode i način kontrole uvoza, te evidenciju vrste i količina uvezenih sirovina.

3. Zadužuje se Vijeće ministara BiH, Uprava za indirektno oporezivanje BiH i Ured za veterinarstvo BiH da dnevno prate primjenu ovog zakona i osiguraju mjere kontrole njegovog provođenja u svim segmentima.
4. Obavezuje se Vijeće ministara da dosljedno i na vrijeme ispoštuje primjenu člana 2. ovog zakona.
5. Zadužuje se Komisija za vanjsku i trgovinsku politiku Doma naroda PSBiH da, na osnovu prvog tromjesečnog izvještaja Vijeća ministara BiH, napravi analizu učinka ovog zakona na domaću proizvodnju i prerađu te predloži Domu daljnje aktivnosti.

Ad 10. Zahtjev Vijeća ministara za razmatranje Prijedloga zakona o dopunama Zakona o Sudu Bosne i Hercegovine po hitnom postupku, u skladu s članom 100. Poslovnika Doma naroda

U raspravi nije niko učestvovao.

Dom naroda je, u skladu s članom 100. Poslovnika Doma naroda, jednoglasno usvojio Zakon o dopunama Zakona o Sudu Bosne i Hercegovine.

Ad 11. Zahtjev Vijeća ministara za razmatranje Prijedloga zakona o dopunama Zakona o Tužilaštvu Bosne i Hercegovine po hitnom postupku, u skladu s članom 100. Poslovnika Doma naroda

U raspravi nije niko učestvovao.

Dom naroda je, u skladu s članom 100. Poslovnika Doma naroda, jednoglasno usvojio Zakon o dopunama zakona o Tužilaštvu Bosne i Hercegovine.

Ad 12. Zahtjev Vijeća ministara za razmatranje Prijedloga okvirnog zakona o registraciji poslovnih subjekata u Bosni i Hercegovini, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 13. Zahtjev Vijeća ministara za razmatranje Prijedloga zakona o javnim nabavkama u BiH, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 14. Zahtjev Vijeća ministara za razmatranje Prijedloga zakona o izmjenama i dopunama Zakona o administrativnim taksama Bosne i Hercegovine, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 15. Zahtjev Vijeća ministara za razmatranje Prijedloga zakona o Agenciji za unapređenje stranih investicija u Bosni i Hercegovine, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 16. Zahtjev Vijeća ministara za razmatranje Prijedloga zakona o Javnom radiotelevizijskom sistemu Bosne i Hercegovine, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 17. Zahtjev Vijeća ministara za razmatranje Prijedloga zakona o Javnom radiotelevizijskom servisu Bosne i Hercegovine, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 18. Zahtjev Vijeća ministara za razmatranje Prijedloga zakona o flaširanim pitkim vodama Bosne i Hercegovine po hitnom postupku, u skladu s članom 99. Poslovnika Doma naroda

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 19. Zahtjev za razmatranje Zakona o izmjenama i dopunama Zakona o državnoj službi u institucijama Bosne i Hercegovine po hitnom postupku, u skladu s članom 99. Poslovnika Doma naroda – predlagač Predstavnički dom

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 20. Zahtjev za razmatranje Zakona o izmjenama i dopunama Zakona o upotrebi i zaštiti naziva Bosne i Hercegovine po hitnom postupku, u skladu s članom 99. Poslovnika Doma naroda – predlagač Predstvički dom

U raspravi nije niko učestvovao.

Dom naroda jednoglasno je prihvatio zahtjev da se Prijedlog zakona razmatra u skladu s članom 99. Poslovnika Doma naroda.

Ad 21. Prijedlog zakona o izmjeni Zakona o ombudsmenu za ljudska prava Bosne i Hercegovine, predlagač Predsjedništvo Bosne i Hercegovine – prvo čitanje

U raspravi nije niko učestvovao.

Dom naroda jednoglasno je, u prvom i u drugom čitanju, u predloženom tekstu, usvojio Zakon o ombudsmenu za ljudska prava BiH.

Ad 22. Prijedlog zakona o postupku medijacije – prvo čitanje

U raspravi nije niko učestvovao.

Dom naroda jednoglasno je, u prvom i u drugom čitanju, u istovjetnom tekstu kao i Predstavnički dom, usvojio Zakon o postupku medijacije.

Ad 23. Prijedlog zakona o osnivanju Instituta za mjeriteljstvo/metrologiju – prvo čitanje

U raspravi nije niko učestvovao.

Dom naroda je, i u prvom i u drugom čitanju, u predloženom tekstu, usvojio Zakon o osnivanju Instituta za mjeriteljstvo/metrologiju BiH.

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Ilija Filipović
- Nade Radović i
- Halid Genjac

Ad 24. Prijedlog zakona o osnivanju Instituta za standardizaciju Bosne i Hercegovine – prvo čitanje

U raspravi nije niko učestvovao.

Dom naroda jednoglasno je, u prvom i u drugom čitanju, usvojio Zakon o osnivanju Instituta za standardizaciju BiH.

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Halid Genjac
- Ilija Filipović
- Vinko Radovanović

Ad 25. Prijedlog zakona o osnivanju Instituta za intelektualno vlasništvo – prvo čitanje

U raspravi nije niko učestvovao.

Dom naroda je, i u prvom i u drugom čitanju, u predloženom tekstu, usvojio Zakon o osnivanju Instituta za intelektualno vlasništvo BiH.

Ad 26. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Sjedinjenih Američkih Država o zaštiti i očuvanju određene kulturne svojine

Nakon rasprave u kojoj je učestvovao Hasan Čengić, Dom naroda jednoglasno je dao saglasnost za ratifikaciju Sporazuma.

Ad 27. Davanje saglasnosti za ratifikaciju Sporazuma između Bosne i Hercegovine i Vlade Republike Francuske o recipročnom unapređenju i zaštiti investicija

Nakon rasprave u kojoj je učestvovao Zoran Spasojević, Dom naroda jednoglasno je dao saglasnost za ratifikaciju Sporazuma.

Ad 28. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Albanije o ukidanju viza za nosioce dipolmatskih i službenih pasoša

Nakon rasprave u kojoj je učestvovao Hasan Čengić, Dom naroda jednoglasno je dao saglasnost za ratifikaciju Sporazuma.

Ad 29. Davanje saglasnosti za ratifikaciju Ugovora o slobodnoj trgovini između Bosne i Hercegovine i Rumunije

Nakon rasprave u kojoj je učestvovao Hasan Čengić, Dom naroda jednoglasno je dao saglasnost za ratifikaciju Ugovora.

Ad 30. Davanje saglasnosti za ratifikaciju Konvencije o zaštiti osoba s obzirom na automatsku obradu ličnih podataka i izmjene i dopune Konvencije o zaštiti pojedinaca s obzirom na automatsku obradu ličnih podataka

U raspravi nije niko učestvovao.

Dom naroda jednoglasno je dao saglasnost za ratifikaciju Konvencije.

Ad 31. Davanje saglasnosti za ratifikaciju Dodatnog protokola uz Konvenciju za zaštitu pojedinaca s obzirom na automatsku obradu ličnih podataka u vezi s nadzornim organima i prekograničnim protokom podataka

U raspravi nije niko učestvovao.

Dom naroda jednoglasno je dao saglasnost za ratifikaciju Dodatnog protokola.

Ad 32. Davanje saglasnosti za ratifikaciju Sporazuma koji se odnosi na pripremu i obavljanje usluga zračnog saobraćaja i korištenja uređaja od strane Eurocontrola u kontrolnom centru za kontrolu zračnog saobraćaja Centralne Evrope u gornjem zračnom prostoru

Nakon rasprave u kojoj je učestvovao Hasan Čengić, Dom naroda jednoglasno je dao saglasnost za ratifikaciju Sporazuma.

Ad 33. Izvještaj o rezultatima rada Istražne komisije Doma naroda osnovane radi utvrđivanja okolnosti hapšenja Ante Jelavića, Miroslava Prce i Miroslava Rupčića

Nakon rasprave u kojoj su učestvovali: Boško Šiljegović, Ilija Filipović, Osman Brka, Tomislav Limov, Hasan Čengić, Velimir Jukić i Branko Zrno, Dom naroda je, većinom glasova, usvojio Izvještaj o rezultatima rada Istražne komisije.

Većinom glasova Dom naroda usvojio je sljedeći zaključak delegata Ilije Filipovića:

«Preporučuje se Domu da, razmatranjem i prihvaćanjem ovog izvještaja, cjelovit izvještaj dostavi nadležnim institucijama na federalnom, državnom i kantonalnom nivou, kako bi se uočeni propusti, posebno oni zbog kojih trpe oni nezakonito uhapšeni, što prije otklonili, preduzele odgovarajuće mjere i utvrdile pojedinačne odgovornosti svih onih osoba, koje su u konkretnom slučaju kršile zakon i djelovale izvan svojih ovlaštenja, te preduzele potrebne aktivnosti i inicijative za izmjene i dopune zakonskih propisa, kako bi buduća angažiranja specijalne policijske jedinice Federalnog MUP-a ispunjavala potrebne uslove zakonitosti i zaštitila svaku osobu u BiH od lišenja slobode na nezakonit način. Zahtijevati od svih državnih, entitetskih i institucija Brčko Distrikta BiH striktno poštivanje odredbi Evropske konvencije o zaštiti ljudskih prava i osnovnih sloboda i njihovu direktni primjenu bez ikakvih izuzetaka.»

Ad 34. Informacija o stanju vanjske zaduženosti Bosne i Hercegovine na dan 31.12.2003.

U raspravi nije niko učestvovao.

Dom naroda primio je k znanju Informaciju o stanju vanjske zaduženosti na dan 31.12.2003.

Ad 35. Izbalansiranost kadrova u institucijama Bosne i Hercegovine

Nakon rasprave u kojoj su učestvovali: Boško Šiljegović i Halid Genjac, dogovoreno je da se primjedbe delegata Boška Šiljegovića, a koje se odnose na Izvještaj Vijeća ministara o nacionalnoj izbalansiranosti kadrova u Vijeću ministara i drugim tijelima BiH, dostave klubovima bošnjačkog i hrvatskog naroda, te da se eventualne primjedbe klubova bošnjačkog i hrvatskog naroda dostave Klubu srpskog naroda, kao i da svoja eventualna pitanja o nacionalnoj izbalansiranosti dostave Vijeću ministara.

Sjednica je završena 19,55 sati.

Sastavni dio ovoga zapisnika je neautorizirani transkript sjednice.

**SEKRETAR
DOMA NARODA
Jadranko Tomić**

**PREDSJEDAVAJUĆI
DOMA NARODA
Goran Milojević**